

**OSNOVNI USLOVI ODOBRAVANJA XS KREDITA**

<b>Vrste nenamjenskih kredita</b>	<b>XS brzi kaš kredit</b> – isplata na račun klijenta	
<b>Iznos kredita, oznaka valute i uvjeti/uslovi korištenja</b>	<b>Maksimalan iznos kredita: KM 5.000,00</b> Isplata kredita vrši se u KM valuti, u gotovini na šalteru Banke ili na lični račun korisnika otvoren u Banci.	
<b>Trajanje ugovora</b>	<b>do 36 mjeseci</b>	
<b>Kamatna stopa</b>	<p><b>Od 8,00 %</b>  <b>Ugovorena nominalna kamatna stopa može biti fiksna i promjenjiva.</b>                      - Trajanje ugovora do 12 mjeseci - Fiksna nominalna kamata, koja podrazumijeva da se kamatna stopa ne mijenja u periodu važenja Ugovora o kreditu.                      - Trajanje ugovora preko 12 mjeseci - Promjenjiva nominalna kamata koja podrazumijeva tržišnu indeksiranu kamatnu stopu koja je sastavljena od fiksnog elementa kamatne stope i promjenjivog elementa kamatne stope. Promjenjivi element nominalne kamatne stope utvrđuje se na bazi 6-mjesečnog EURIBOR-a kao referentne stope na evropskom međubankarskom tržištu koju objavljuje Evropska Centralna Banka na stranici Reuters-a ili/ Bloomberg-a.                      Kao početna vrijednost referentne stope uzima se vrijednost na dan zaključenja ugovora, a može se mijenjati u zavisnosti od promjena vrijednosti referentne stope.                      Osnov za izmjenu važeće nominalne kamatne stope predstavlja razlika između vrijednosti referentne stope koja se primjenjivala u sastavu nominalne kamatne stope na dan zaključenja ugovora i referentne stope utvrđene na zadnji dan tekućeg referentnog perioda.                      Vrijednost referentne stope je objavljena i dostupna na zvaničnoj web stranici Banke, www.raiffeisenbank.ba.                      Banka u obračunu kamata koristi prostu tj. proporcionalnu metodu, primjenom diskurzivnog načina obračuna tj. unazadnog obračuna kamate.                      Periodi usklađivanja te način izmjene referentne stope su navedeni u dokumentu „Opšti uslovi poslovanja Raiffeisen BANK d.d. Bosna i Hercegovina koji se primjenjuju u Kreditnom poslovanju sa fizičkim licima“ koji je dostupan korisnicima u poslovnoj mreži Banke, na zvaničnoj web stranici Banke (www.raiffeisenbank.ba) te kod mreže agenata za direktnu prodaju, kao i drugim distributivnim kanalima Banke.</p>	
<b>Efektivna kamatna stopa</b>	<p>Visina EKS-a iznosi: <b>8.39 % (jednak procenat EKS-a za FBiH i Brčko Distrikt i RS)</b>                      Ukupni iznos (glavnica + kamata) koji Korisnik treba da plati iznosi <b>KM 5.475.95</b>                      Ukupni troškovi (kamata + naknade + troškovi) koji Korisnik treba da plati iznosi <b>KM 617.96</b>                      EKS – efektivna kamatna stopa je izračunata za promjenjivu kamatnu stopu na iznos 5.000,00 KM i period otplate 36 mjeseci                      U izračun EKS je uključena i naknada za vođenje kreditnog računa, troškovi obrade kredita, troškovi osiguranja i trošak kupovine mjenica.</p>	
<b>Iznos i broj rata kredita i period u kojem dospijevaju</b>	<p>Kredit se otplaćuje u jednakim mjesečnim anuitetima u broju koji ovisi od vremena na koji se ugovor zaključuje. Prva rata dospijeva narednog mjeseca i to na datum koji odgovara datumu u kome je sačinjen otplatni plan i tako redom do konačne otplate kredita.                      Iznos anuiteta iznosi <b>KM 152,11</b>.                      Korisnik kredita se obavezuje da će obavezno po ovom ugovoru izvršavati u KM valuti.                      EKS – efektivna kamatna stopa je izračunata za promjenjivu kamatnu stopu na iznos 5.000,00 KM i period otplate 36 mjeseci.                      U izračun EKS je uključena i naknada za vođenje kreditnog računa, trošak za vođenje tekućeg računa, trošak kupovine mjenica, naknada za osiguranje kredita.</p>	
<b>Troškovi održavanja jednog ili više računa na kojima se evidentiraju transakcije, te ostale naknade i troškovi koji proizilaze iz ugovora</b>	<p>Korisnik nema troškova vezanih za održavanje računa na kojima će se evidentirati transakcije uplata i povlačenja sredstava.  <b>Pripadajuće naknade za Korisnika (KM)</b>                      • Naknada za obradu kredita: 0 KM                      • Naknada za vođenje kreditnog računa: 72,00 KM                      • Naknada za mjenicu: 10,00 KM                      • Naknada za osiguranje kredita Paket :70,00 KM                      • Naknada za Paket računa: 0 KM                      • Naknada za osiguranje nekretnine: 0 KM                      • Naknada za troškove Notara: 0 KM                      • Naknada za procjenu vrijednosti nekretnine: 0 KM                      • Naknada za sudske troškove: 0 KM                      • Naknada za porezno uvjerenje: 0 KM                      • Naknada za ovjeru administrativnih zabrana kod Notara ili u općini: 0 KM                      • Naknada za ovjeru kopije ostalih dokumenata na zahtjev Banke: 0 KM                      • Naknada za vođenje tekućeg računa: 0 KM                      • Naknada za izdavanje izvoda iz druge Banke: 0 KM                      • Naknada za vođenje kreditne kartice bez Paketa računa: 0 KM                      • Naknada za ostale troškove: 0 KM</p>	
<b>Informacija o obavezni korištenja notarskih usluga</b>	Korisnik nema obavezu korištenja notarskih usluga u vezi sa realizacijom ove vrste usluge.	
<b>Informacija o obavezni zaključenja ugovora o sporednim uslugama</b>	<p>Korisnik ima obavezu zaključenja ugovora o sporednim uslugama povezanim sa osnovnim ugovorom, a radi ostvarenja prava na povoljniju kamatnu stopu ukoliko ispunjava uslove za istu kako slijedi:                      - ugovaranje Paketa računa koji u sastavu ima Kreditni/Shopping karticu ili Paketa računa i kreditne/Shopping kartice neovisno od paketa računa - umanjenje Standardne Kamatne stope za 1,00 procentnih poena,                      - ugovaranje Kreditne/Shopping kartice -umanjenje standardne kamatne stope za 0,50 procentnih poena,                      - ugovaranje Paketa računa -umanjenje standardne kamatne stope za 0,50 procentnih poena,                      te obavezu zaključenja ugovora o sporednim uslugama vezanim za instrumente obezbjeđenja.</p>	
<b>Kamatna stopa u slučaju kašnjenja Posljedice propuštanja</b>	<p>Zatezna kamata (uvećana kamatna stopa zbog kašnjenja):                      Svaklo ponajviše Korisnika suprotno od ugovorenih obaveza predstavlja kršenje Ugovora i ovlašćuje Banku da jednostrano raskine (otkaže)</p>	
<b>Instrumenti obezbjeđenja:</b>	<p>→ Administrativna zabrana na platu dužnika,                      → Trajni nalog, kao alternativa za izmirivanje obaveza po kreditu,                      → Mjenica/s,                      → Paket osiguranja – premijske stope zavise od raka otplate kredita.                      Iz datih instrumenata obezbjeđenja Banka ima pravo naplatiti svoja dospjela potraživanja. Prije aktiviranja instrumenata obezbjeđenja Banka Korisniku upućuje SMS poruke, telefonske pozive, pismene opomene, pozive na sastanak, posjete. Ukoliko izostane efekat prethodno navedenih mjera, Banka pristupa aktiviranju instrumenata obezbjeđenja. Uobičajeni redoslijed aktiviranja instrumenata je:                      • administrativna zabrana                      • depozit                      • mjenica                      • sudska naplata (aktiviranje svih kolaterala koji zahtijevaju sudske procesuiranje i/ili podnošenje tužbe).                      Neovisno od prethodno navedenog redoslijeda, prioritetno se vrši naplata iz osiguranja ukoliko se desi osigurani slučaj.                      Banka može od prethodno navedenog redoslijeda odstupiti ukoliko okolnosti upućuju, odnosno očigledno je da se iz datog instrumenta obezbjeđenja koji je po redoslijedu aktiviranja ispred, ne može ostvariti sigurni i pravovremena naplata.                      Ukoliko aktiviranje određenog instrumenta obezbjeđenja bude neuspješno ili naplata iz tog instrumenta bude nedovoljna, Banka aktivira i druge instrumente, a sve dok ne naplati svoja potraživanja.</p>	
<b>Uvjeti/uslovi polaganja novčanog depozita</b>	Namjenski depozit nije obavezan instrument obezbjeđenja za ovu grupu kreditnih proizvoda.	
<b>Odustajanje od ugovora</b>	<p><b>Formulacija u skladu sa regulativom za FBiH</b>                      Korisnik ima pravo da odustane od zaključenog ugovora o kreditu, bez navođenja razloga za odustanak, u roku od 14 dana od dana zaključenja ugovora. Korisnik je dužan da o svojoj namjeri odustanka od ugovora obavijesti Banku u pisanoj formi, pri čemu se datum prijema tog obavještenja smatra datumom odustanka od ugovora.                      U slučaju odustanka Korisnika od zaključenog ugovora o kreditu, Banka ima pravo na naplatu obračunate naknade za obradu kreditnog zahtjeva koja ne može biti veća od naknade u slučaju kada Korisnik ne odustane od kredita.                      Ukoliko Korisnik odustane od ugovora prije isteka roka od 14 dana od dana zaključenja ugovora, a obezbjedio je instrumente obezbjeđenja i platio ili preuzeo obavezu plaćanja troškova u vezi sa istim, odustajanjem od ugovora o kreditu takvi troškovi su isključivo troškovi Korisnika.                      Ukoliko je Korisnik počeo koristiti kreditna sredstva, dužan je da u roku od 30 dana, od dana odustanka od ugovora tj. slanja obavijesti Banci o odustanku od ugovora, vrati Banci glavnici i kamatu za vrijeme korištenja kredita.                      Ako Korisnik koristi svoje pravo na odustanak od osnovnog ugovora, istog više ne obavezuju uvjeti o sporednim uslugama, osim u slučajevima ako je Korisnik počeo koristiti predmetnu uslugu u skladu sa drugim ugovorom. Korisnik mora u pisanom odustanku od ugovora o kreditu izričito navesti da odustaje i od sporednih usluga.</p>	<p><b>Formulacija u skladu sa regulativom za RS</b>                      Korisnik ima pravo da odustane od zaključenog ugovora o kreditu, bez navođenja razloga za odustanak, u roku od 14 dana od dana zaključenja ugovora. Korisnik je dužan da o svojoj namjeri odustanka od ugovora obavijesti Banku u pisanoj formi, pri čemu se datum prijema tog obavještenja smatra datumom odustanka od ugovora.                      U slučaju odustanka Korisnika od zaključenog ugovora o kreditu, Banka ima pravo na naplatu obračunate naknade za obradu kreditnog zahtjeva koja ne može biti veća od naknade u slučaju kada Korisnik ne odustane od kredita.                      Ukoliko Korisnik odustane od ugovora prije isteka roka od 14 dana od dana zaključenja ugovora, a obezbjedio je instrumente obezbjeđenja i platio ili preuzeo obavezu plaćanja troškova u vezi sa istim, odustajanjem od ugovora o kreditu takvi troškovi su isključivo troškovi Korisnika.</p>
<b>Prijevremena otplata</b>	<p><b>Formulacija u skladu sa regulativom za FBiH</b>                      Ugovoreni kredit se može otplatiti djelimično ili u cijelosti i prije.                      Korisnik ima pravo da u toku procjene njegove kreditne sposobnosti od strane Banke, u svakom trenutku besplatno dobije informaciju o rezultatima uvida u bazu podataka na osnovu kojih se računa kreditna sposobnost Korisnika.                      U pregovoračkoj fazi klijent ima pravo da dobije besplatnu kopiju nacrtu ugovora, izuzev ako Banka ocijeni da ne želi zasnovati odnos sa klijentom u konkretnom pravnom poslu.</p>	
<b>Pravo na dobijanje podataka</b>	<p><b>Formulacija u skladu sa regulativom za RS</b>                      Ugovoreni kredit se može otplatiti djelimično ili u cijelosti i prije.                      Korisnik ima pravo da u toku procjene njegove kreditne sposobnosti od strane Banke, u svakom trenutku besplatno dobije informaciju o rezultatima uvida u bazu podataka na osnovu kojih se računa kreditna sposobnost Korisnika.                      U pregovoračkoj fazi klijent ima pravo da dobije besplatnu kopiju nacrtu ugovora, izuzev ako Banka ocijeni da ne želi zasnovati odnos sa klijentom u konkretnom pravnom poslu.</p>	
<b>Pravo na besplatne kopije nacrtu ugovora</b>	U pregovoračkoj fazi klijent ima pravo da dobije besplatnu kopiju nacrtu ugovora, izuzev ako Banka ocijeni da ne želi zasnovati odnos sa klijentom u konkretnom pravnom poslu.	

**Trajanje ponude**

Ponuda se smatra važećom 15 dana od dana uručenja klijentu.